



## OPŠTI USLOVI SPONZORSTVA

Opšti uslovi sponzorstva definišu međusobne odnose i predstavljaju osnovu za sklapanje Protokola o sponzorstvu na svim ili samo nekim od medija unutar RSG MEDIA.

RSG MEDIA je neformalna medijska grupa koja u svom sastavu ima tri nezavisna radijska programa, RSG radio, Radio Mix i Antena Sarajevo, informativnu radijsku produkciju MEDIA SERVIS, te agenciju za promociju i prodaju NETRA.

### OPŠTE ODREDBE

U smislu ovih Opštih uslova, Partnerom (dalje u tekstu: **Partner**) se smatra svaka fizička ili pravna osoba koja od Pružatelja usluga koristi usluge oglašavanja/sponzorstva, kao i agencija koja u okviru svog poslovanja svojim klijentima nudi usluge oglašavanja.

U smislu ovih Opštih uslova Pružateljem usluga (dalje u tekstu: **RSG MEDIA**) se smatra neki ili svi mediji unutar RSG MEDIA, a za koji se navedeno sponzorstvo odnosi.

Uslovi sponzorstva između RSG MEDIA i Partnera utvrđuju se protokolom o sponzorstvu (dalje u tekstu: **Protokol**).

Ovi Opšti uslovi čine sastavni dio Protokola te se odnose na cjelokupnu poslovnu saradnju RSG MEDIA i Partnera i dopunjuju posebne odredbe utvrđene u Protokolu i obavezuju isto kao i Protokol. U slučaju neslaganja ovih Opštih uslova i posebnih odredbi utvrđenih u Protokolu vrijede posebne odredbe.

RSG MEDIA ima pravo promjene ovih Opštih uslova i nakon sklapanja Protokola, te se obavezuje obavijestiti Partnera o promjeni bez odgode, a izmjene i dopune se primjenjuju na odnos Ugovornih strana u roku od osam dana od dana objave.

### ZAHTJEV ZA SPONZORSTVO

Usluge sponzorstva obavljaju se samo na temelju prethodno dostavljenog pisanog zahtjeva za Sponzorstvo i to putem e-maila: [info@rsg.ba](mailto:info@rsg.ba)

Svaki zahtjev treba sadržavati:

- naziv događanja;
- kada i gdje se održava;
- ime i prezime ili naziv organizatora;
- kontakt podaci (e-mail, broj telefona/mobitela);
- kome je namijenjeno događanje;
- kratak opis događanja;
- kakav vid saradnje želite od radija;
- koje su pogodnosti za radio;
- vaš budžet za oglašavanje;

Reklame se na emitovanje postavljaju ponedjeljak-četvrtak do 14h i petak do 12h.

RSG MEDIA ima pravo suspendirati pružanje ugovorenih usluga sponzorstva ukoliko smatra u dobroj vjeri da bi njegovo pružanje na način predviđen Protokolom moglo povrijediti prava trećih osoba, prekršiti bilo koji zakon, ukoliko su iste protivne javnom moralu ili interesima RSG MEDIA.



## MEDIJSKA SPONZORSTVA

Medijska sponzorstva mogu biti samo i isključivo:

### 1. msA: RADIJSKI PARTNER

Partner se obavezuje da će:

- programi RSG MEDIA biti jedini radijski programi iz BiH sa statusom medijskog partnera ili pokrovitelja, te da prihvata i ostale uslove navedene u Protokolu o poslovnoj saradnji;
- programi RSG MEDIA imati poseban tretman u odnosu na ostale medijske kuće koje nisu partnerske u projektu (ekskluzivno pravo na interview, gostovanja, snimanja, prioritet u plasiranju informacija javnosti,...);
- promovisati RSG MEDIA na svim svojim promo materijalima u skladu sa dogovorom
- obezbjediti dogovoreni broj ulaznica/kotizacija za RSG MEDIA

RSG MEDIA se obavezuje da će:

- snimiti i producirati jingle u trajanju do 30 sec;
- emitovati radijski jingl u skladu sa medijskim planom koji je usaglašen i odobren za sponzorstvo, te programski pratiti sva događanja vezana za sponzorstvo u skladu sa svojim programskim mogućnostima;
- iznos naplate za izradu i emitovanje jingle-a Protokolom o poslovnoj saradnji u iznosu od 100% kompenzirati sa uslugama koje Partner nudi kroz projekat;
- odobriti poseban rabat za izradu dodatnog radijskog jingla od 50% na zvanični cjenovnik produkcije radijskih jinglova RSG MEDIA.

### 2. msB RADIJSKI POKROVITELJ

Partner se obavezuje da će:

- programi RSG MEDIA imati poseban tretman u odnosu na ostale radijske pokrovitelje i partnere u projektu, kao i na ostale medijske kuće koje nisu partnerske u projektu (ekskluzivno pravo na interview, gostovanja, snimanja, prioritet u plasiranju informacija javnosti,...);
- promovisati RSG MEDIA na svim svojim promo materijalima u skladu sa dogovorom
- obezbjediti dogovoreni broj ulaznica/kotizacija za RSG MEDIA

RSG MEDIA se obavezuje da će:

- emitovati radijski jingl u skladu sa medijskim planom koji je usaglašen i odobren za sponzorstvo te programski pratiti sva događanja vezana za sponzorstvo u skladu sa svojim programskim mogućnostima;
- odobriti poseban rabat za sponzorstva u visini od 50% ukupnog iznosa;

### 3. msC RADIJSKA PODRŠKA

Partner se obavezuje da će:

- promovisati RSG MEDIA na svim svojim promo materijalima u skladu sa dogovorom
- obezbjediti dogovoreni broj ulaznica/kotizacija za RSG MEDIA

RSG MEDIA se obavezuje da će:

- emitovati radijski jingl u skladu sa medijskim planom koji je usaglašen i odobren za sponzorstvo te programski pratiti sva događanja vezana za sponzorstvo u skladu sa svojim programskim mogućnostima;
- odobriti poseban rabat za sponzorstva u visini od 30% ukupnog iznosa;

## TERMINI SPONZORSTAVA

RSG MEDIA samostalno određuje termine emitovanja reklamnih poruka u skladu sa svojim mogućnostima uz poštivanje interesa Partnera, osim ukoliko se nisu prethodno sporazumjeli o emitovanju reklamnih poruka unutar određenih termina, odnosno reklamnih blokova.



Reklamne poruke se emituju u reklamnim blokovima (PP blok) ili pojedinačno kao samostalne pozicije po već predviđenim medija planovima.

RSG MEDIA ne garantuje da će se reklamne poruke emitovati unutar određenih termina, odnosno reklamnih blokova u tačno određenom redosljedju, niti da umjesto programa koji je predviđen programskog šemom medija na rasporedu neće biti neki drugi program.

U slučaju više sile (izvanrednog stanja, Dana žalosti na državnoj razini, udara groma, tuče, poplave, političkih termina, rata, nestanka struje i sličnih okolnosti), RSG MEDIA zadržava pravo da medij izmjeni raspored emitovanja reklamnog materijala i zadržava pravo da propagandne sadržaje uopšte ne emituju u programu. Klijent u navedenim slučajevima nema pravo zahtijevati naknadni termin emitovanja ili na naknadu bilo kakve štete niti pravo na bilo kakvo drugo potraživanje prema mediju ili RSG MEDIA. Na Dan žalosti, proglašen od institucija BiH ili Federeacije BiH, RSG neće emitovati reklame i ostale programske sadržaje.

### **DOSTAVLJANJE VLASTITOG REKLAMNOG MATERIJALA**

Ukoliko Partner dostavlja vlastiti materijal isti je dužan dostaviti 48 sati prije prvog emitovanja reklame na adresu Pružatelja usluga: Urijan Dedina 7, 71000 Sarajevo ili na e-mail adresu [info@rsg.ba](mailto:info@rsg.ba).

Partner je dužan raspolagati svim potrebnim autorskim pravima vezanim za muziku i ostale elemente koji podliježu autorskim i drugim pravima.

Partner je dužan oglasni materijal dostaviti u mp3 ili wave formatu, odnosno u formatu koji je pogodan za emitovanje. Ukoliko RSG MEDIA utvrdi da materijal ne zadovoljava standarde potrebne za emitovanje, o tome će obavjestiti Partnera, te se Partner obavezuje da bez odgode dostavi novi materijal. U slučaju da Partner ne dostavi odgovarajući materijal RSG MEDIA zadržava pravo da obračuna i naplati objavu reklamnog sadržaja kao da je usluga zaista izvršena.

RSG MEDIA ne odgovara Partneru za kvalitet materijala dostavljenog od strane Partnera i zadržava pravo da ne objavi reklamni materijal u slučaju da isti ne zadovoljava dogovorene uslove i tehničke standarde.

### **PRODUKCIJA OGLASNOG MATERIJALA**

U slučaju da RSG MEDIA i Partner odluče da RSG MEDIA vrši izradu oglasnog materijala, Partner se obavezuje dostaviti RSG MEDIA u pisanom obliku osnovne podatke za produkciju reklame.

Na temelju dostavljenih podataka RSG MEDIA usluga se obavezuje izraditi oglasni materijal u što je moguće kraćem roku u skladu sa svojim mogućnostima uz poštovanje interesa Partnera, osim u slučaju da su se RSG MEDIA i Partner dogovorili o tačno određenom roku.

Rok za produkciju oglasnog materijala je 48 sati od trenutka dostavljanja svih potrebnih podataka za produkciju reklame.

RSG MEDIA je dužan nakon završetka produkcije oglasnog materijala isti dostaviti Partneru na odobrenje. Partner je dužan u roku od 3 dana nakon dostavljanja materijala autorizirati dostavljeni oglasni materijal. Ukoliko se Partner u navedenom roku ne očituje, smatrat će se da je prihvatio oglasni materijal.

### **CIJENA I PLAĆANJE**

Partner je ovlašten naručivati od RSG MEDIA oglašavanje/sponzorstvo u skladu sa cijenama koje su navedene na službenim cjenovnicima medija važećim na dan primanja narudžbe od strane Pružatelja usluga.

Cijene sponzorstva emisija i nagradnih igara utvrđuju se na osnovu posebnih ponuda dostavljenih od strane Pružatelja usluga.



RSG MEDIA se obavezuje izdavati račune za usluge oglašavanja obavljene temeljem protokola o sponzorstvu krajem mjeseca za usluge oglašavanja izvršene u tom mjesecu ili po završetku određene kampanje, s dopijućem plaćanja od 7 dana od dana izdavanja računa. Ukoliko nije drugačije navedeno, svi iznosi navedeni u cjenovnicima ili u Ugovoru ne uključuju porez na dodanu vrijednost (PDV).

Plaćanje usluga će se smatrati izvršenim kada osoba koja prima uplatu zaprimi puni iznos koji je predmet plaćanja na svoj transakcijski račun koji je primatelj iznosa naznačio drugoj strani. Na dospjele, a neplaćene iznose, RSG MEDIA ima pravo obračunati zakonsku zateznu kamatu po najvišoj stopi i u skladu sa zakonom u Bosni i Hercegovini.

RSG MEDIA ima pravo obustaviti daljnje pružanje usluga oglašavanja u slučaju kašnjenja sa plaćanjem od strane Partnera.

### **ODGOVORNOST**

Partner izjavljuje i garantuje da je u skladu sa važećim zakonskim propisima, a u vezi svog oglasnog materijala kao i proizvoda i usluga koje oglašava, regulisao sve svoje obaveze prema trećim osobama po osnovi autorskih i drugih prava intelektualnog vlasništva te da će u potpunosti biti odgovaran za sva eventualna potraživanja trećih osoba koja mogu proizaći iz takvih prava, te se obavezuje nadoknaditi Pružatelju usluga sve izdatke, kazne ili druge obaveze i troškove koje bi on mogao imati u vezi sa istim.

RSG MEDIA izjavljuje da je Partner isključivi nositelj autorskih prava i prava intelektualnog vlasništva te prava iskorištavanja oglasnog materijala koji je RSG MEDIA izradio za potrebe Partnera.

Partner izjavljuje i garantuje da je sadržaj svih oglasnih materijala koje će dostaviti Pružatelju usluga u skladu sa važećim zakonskim propisima, regulativama i kodeksima oglašavanja.

Partner snosi cjelokupnu odgovornost vezanu za emitovanje i objavljivanje oglasnog materijala i štetu koja temeljem takvog emitovanja i objavljivanja može nastati trećim licima, te se obavezuje nadoknaditi Pružatelju usluga sve izdatke, kazne i druge obaveze ili troškove koje bi on mogao imati u vezi sa navedenim.

Partner i RSG MEDIA saglasno utvrđuju da je najviši iznos naknade štete koju Partner može potraživati od Pružatelja usluge ograničen na iznos narudžbe za usluge oglašavanja.

RSG MEDIA odgovara samo u slučaju namjere ili krajnje nepažnje. U svakom slučaju RSG MEDIA odgovara isključivo za običnu štetu a nikako za izgubljenu korist, izgubljenu dobit ili nematerijalnu štetu ili povredu prava privatnosti bilo koje vrste.

### **ZAVRŠNE ODREDBE**

U slučaju spora između RSG MEDIA i Partnera nadležan je Sud u Sarajevu. Ovi Opšti uslovi sponzorstva se primjenjuju od 31.08.2018 godine.